

新疆圖志卷三十

賦稅一

大清龍興遼瀋定都幽燕凡前明一切苛賦一旦掃除淨盡至順治十四年頒賦役全書

飭各省凡屬磽地概行薄征至荒徼初墾之田則定爲三年或五年始行升科蓋所以

體恤邊民綏柔荒服者可謂詳且盡矣西域自漢武開疆雖已悉隸版圖然不過遣使入貢不至時侵時叛而已度地居民徹田定賦之法固概乎未曾議及卽元代發祥金山幅幘最廣然考西域諸傳亦不過就地屯田暫爲用兵之計並無深思遠慮以爲上益國課下培民生至意

大清興

仁

純兩廟初平準噶繼定徇疆取異族而赤子之聯殊方而一體之

新疆圖志

賦稅一

推

二聖之心以爲同屬黃帝子孫而竟隔於地勢囿於習俗木石與居鹿豕與游不得沐中原禮樂文章之盛君臣父子之休則是天地之大不能無所憾故奮揚威武肆厥聲靈顯爲諸族開文治卽隱爲天地彌缺陷至區區之土地財賦又何足深計然而乾父坤母者

列聖之運量而獻芹貢曝者野人之眞忱父兄勞碌而子弟顧坐而享之新民雖愚亦不忍出此矧復天山南北葱嶺西東墾地至數千萬畝之多因田升賦在

國家可得點滴之益在吾民亦可紓孺慕之誠故自同光以來官斯土者如左文襄劉襄勤諸公率皆清丈地畝斟酌糧草或照內地至輕至薄之制垂爲定例或仿荒田三年五年升科之意以廣招徠非損下以益上也順民志以紓民情而已作田賦志以資後世之考焉

新疆地雖邊荒然古書稱牧畜蕃盛水草豐茂則其地質肥腴宜禾宜黍亦概可想見自康熙間發巴里坤兵五十赴吐魯番禦準部雍正三年闢展回子內徙田地盡起荒蕪至數十年至乾隆二十年蕩平準部移瓜州踏實小灣三堡舊居土爾番回人歸土爾番所遺地畝始招佃承種戶三十畝官給籽種牛具秋成後扣籽種以什之四輸官行之四載定額升科編入民賦此爲哈密以東田賦之始若哈密以西則自塔爾納沁撥黃墩營兵哈密卡倫兵各二百試墾著效遂爲屯田開端自是北疆則自闢展而五堡而昌吉而羅克而朴城子而全蘇而伊犁而晶河而庫爾喀喇烏蘇而瑪納斯而蔡巴什湖而塔爾巴哈臺而木壘奇台而濟木薩而牛毛湖而吉布庫而古城凡十七區南疆則哈喇沙爾而托克三而哈喇和卓而阿克蘇而烏什凡五區不出十年兵屯旗屯遣屯回屯戶屯徧及南北此時田盡屬屯有糧而無賦戶部定功過則例收獲論分數以畝收一石爲十分少不下七分多或二十八九

## 新疆圖志

賦稅一

二

分不等

### 兵屯之制

一夫撥田二十畝上給籽種牛具歲納十二石至十八石視地爲差

### 遣屯之制

一夫撥田十二畝歲納六石無差等上給籽種牛具僅兵之半故納糧亦半之

### 旗屯之制

嘉慶七年松文清爲將軍時分惠遠惠甯二營移熱河西安甯夏涼州莊浪各滿兵駐之一兵分地三十四畝永爲世產自耕自食不納糧租又分錫伯索倫察哈爾厄魯特四營移盛京黑龍江張家口旗兵外及達什達瓦屬衆安插熱河者哈薩克布魯特自準部投誠者沙畢納爾人隨土爾扈特歸順者駐之亦各有分地其地則豁吉格爾等處四十一區但族類龐雜耕少牧多

## 回屯之制

視兵與遣小異計戶不計丁計籽種不計畝戶給籽種二麥一石穀黍五斗二麥約收二十分穀黍約收四十分定以一戶歲輸十六石爲額餘則廳其自留其地則海弩克處等九區

## 戶屯之制

上不給籽種牛具一戶三十畝畝徵租銀五分不徵銀者以歲交細糧八升爲額其地則自伊犁晶河庫爾喀喇烏蘇至烏魯木齊之迪化州喀喇巴爾噶遜頭屯所蘆草溝塔西河阜康濟木薩昌吉綏來呼圖壁巴里坤之沙山子奎素石人子南路之喀喇沙爾阡陌相接大率以無礙屯工之隙地撥令民間墾按例升科永爲土著

乾隆四十年考核大數兵一萬三千九百餘名遣則大約每年二千五百人之數於南北各疆共屯田二十八萬八千一百餘畝而回屯旗屯尙不在列戶屯時已墾地七十餘萬畝視兵遣二項數

## 新疆圖志

賦稅一

三

已倍之

國家以殖民爲務故自是以來專於戶屯措意而兵遣二者再未議加此乾隆間屯田收糧之大較也厥後回亂數十年歷道咸同三朝人多流亡野皆暴骨屯田蹂躪荒熟俱不可考亂平以後始以今鎮迪道所轄屬地據道光二十三年間至咸豐二年冊報查出內地本地各戶認已墾地田共一百三十六萬六千九百九十四畝定則升科撥歸甘肅藩庫收報歲徵本色京斗糧九萬六千四百餘石科則約分三等有按畝徵京斗糧九升六合三勺者有減半徵收四升八合一勺五秒者宜禾奇台等處則糧草並徵按畝徵糧四升一合八勺七秒六撮草則折糧三升此亂平後鎮迪道屬首定田賦之要領也南路及西北各地額糧仍歸分駐大臣庫爾喀喇烏蘇精河二糧員經管徵收與鎮迪各屬大致相同光緒十一年開設行省十三年劉襄勤相度地勢除去昔年民屯兵屯園租地畝舊制以當時民墾各地斟酌升科清丈之後奏定北

路迪化昌吉阜康綏來奇台吐魯番濟木薩呼圖壁各屬均按上中下地畝分別升科上地每畝科糧七升中地四升下地三升照章不徵草不徵耗其鎮西哈密庫爾喀喇烏蘇精河俱照舊章科則南路當分駐大臣經管時科則不一並有徵收銅觔普爾錢等項者左文襄派員辦理善後徵糧各局暫按原額徵收至是襄勤以今昔殊情糧草各節亦宜按時按地酌爲變通因奏上地每畝科糧四升五升不等科草五觔中地每畝科糧三升科草三觔下地每畝科糧一升五合或一升不等科草二觔亦概不徵耗其折徵銅觔金課地畝向章無論是否業金業銅戶民但係額徵銅金之地卽須交納銅金改章程後均一律酌徵糧石又各城向有伯克養廉地畝自改郡縣伯克多經裁撤廉地准歸官招佃承種額糧照則收納卽未裁伯克廉地及撥作義學壇廟香火各官地均科額糧至額徵糧石以小麥六成包穀四成徵收間有搭徵稻穀之處其距城二百里以外完納本色不便者則准完折色按時價

酌定每小麥一石折銀一兩包穀一石折銀六錢但倉儲爲國用所關又以多徵本色爲要擬定需糧較多之區則全徵本色或僅折三成或准折五成或量准五成以上隨時酌辦草束需用較少折色較多每百觔折銀五分永爲定例綜計通省南北三道屬共荒熟地一千一百四十八萬一百九十餘畝除未墾荒地暫未升科外其已墾熟地每年應徵本色糧二十萬三千二十九石二斗三升八合二勺應徵本色草一千三百九十五萬八千二百一十六觔一十兩二錢八分應徵糧草折色及地課銀五萬七千九百五十二兩一錢六釐二毫一絲七忽此開省後初定全省田賦之等則也二十八年巡撫饒應祺因認繳賠欸始請加徵耗羨不分糧色本折每石隨糧徵銀壹錢五分二十九年巡撫潘效蘇又改定糧草本色一石連耗准收糧一石五斗五升折色一石連耗准收銀二兩三錢北路向無折色全徵本色亦准每石連耗增至一石五斗五升但名目愈多積弊愈深不肖官吏相率浮征變本加

厲甚有加收至數倍者布政使吳引孫署巡撫時知其流弊太甚檄行各屬仍照舊則徵收三十三年巡撫聯魁布政使王樹枏一再訪查抉其弊之根源仿胡文忠撫鄂清釐漕弊辦法使浮收之數和盤託出明定羨餘自光緒三十四年起折本均於正糧一石耗餘銀一錢五分外加收耗糧二斗五升爲地方官辦公之用一切地脚驗糧淋尖踢斛諸名目禁革淨盡折色以每年市價定折價凡市價高於舊章折色例價者所贏悉數歸公額草本色百觔加羨五十觔折色百觔正羨統收銀五錢核以例價百觔銀五分所贏以一半歸公一半作地方津貼一切浮苛攤派名目亦概行革除試行兩載南疆百姓歲省三百萬金上下民旣無所擾累官亦不致困難宣統元年遂以新章稟請

敕部立案奉

旨允准綜計宣統三年清丈地畝確數其熟地一千五十五萬四千七百五畝五分五釐歲徵京斗糧三十萬二千四百七石五斗

新疆圖志

賦稅一

五

六升草二千八百二十七萬二千三十九觔糧草折色庫平銀九萬四百九十餘兩此近年田賦確數並加徵耗羨明定羨餘之情形也惟是新疆墾熟之地不及十分之一二曠土荒田所在皆是民益加多而賦不見增至豪強兼併者流往往有數十戶冒爲一戶者經界不正子輿氏所以歎爲仁政之莠也謂宜將南北兩路逐一清丈以杜隱匿而均貧富並設法籌款開渠引水廣招流亡隨處墾荒則民生可裕而國賦亦當有日增之勢